



*a cura di Ezio Baglini*

**Oriati Mirco, Rizzuto Rossana, Di terra, di mare, Santa Maria della Cella, una chiesa sul Mediterraneo, ed. S.E.S. 2011, pagg. 256.**

I doi Aotoî àn za publicòu 'n libbro intitolòu "A volo di gabbiano" dove descrîvan e cöse che uniscian Zena e Palermo, e doe çitæ de nascita di doi spozoei. Òua tornân a prezentâ 'n bello volumme ch'o ne conta da gëxa da Çella a San Pê d-Ænn-a.

Anche sta vòtta chi, son ariêscîi a-atrovâ 'na formula ch'a rende bella latinna-a a letûa da stoïa de l'edifiçio, inserîa into contesto de 'n breve racconto de vitta relativa a-i vari tempi stòrici e da contemporanea stöia eoropea.

Cosçì, da l'elenco de tante opere d'arte conservæ da-e origini medievali, çitemmo a gëxétta de sant' Agostin – che pe-i sanpêdænin a gh'ea za a-i tempi do Liutprando, saiva a dî do 725, anche se i afreschi e-e prîe atoali son do XIII secolo; e çitemmo ascì a prîa con disegnòu o Cristo co-e spinn-e e a cròxe, ch'o l'è o Santiscimo Sarvatò, patron e protetò da çitæ de San Pê d'Ænn-a. I trei racconti se ingheugian co-ina naraçion de fantaxîa ch'a parla de fæti de vitta visciûa inte varie epoche, da personn-e de San Pê d'Ænn-a lighæ tra de liâtre da 'n ben preciso òggetto ch'o passa de man in man finn-a a-i tempi d'ancheu.




**Gabriele Faggioni, Il vallo ligure, la linea difensiva allestita dalle forze nazifasciste... , ed. Ligurpress 2010, pag. 288.**

A cavallo tra o 1943 e o 44, a poîa de 'n sbarco di Alea in scê còste liguri, e probabilmente anche o smacco di bombardamenti navali restæ impunîi, e fòrse nazifasciste àn semenòu a còsta con baterîe de canoin, bunker, miæga antisbarco con in ciù fî spinòu e mitraglie.

Òua tutte ste opere chi, son abandonæ e se confondan co-o verde, inti promontöi, inte izoète e inte artûe de doe

rivêe, da dove aloa poeivan controlâ 'na spiâgia o 'na strada da-e quæ – a seu vòtta – dòppo 'n sbarco, poei anâ avanti e arivâ a-i Apenîn. Tutto o fava parte de 'n ampio progetto specifico difensivo, pontualizou zona pe zona, renforsabile co-in trêno armou.

A riçerca dell'Aotò a ne conta de tutti i posti de difeiza, precisando l'armamento e-e strutûe.



**AA.VV., Quaderni di Storia Locale, ed. Me.Ca.**

O 'Centro Studi di Jeri', nasciùo e operante a Bogiasco da-o 2006, o l'è promotòre de mostre, de riordino de archîvvi e o l'à stanpòu di libbri. Tra questi, ògni anno, con l'etichetta "Quaderni", o pubblica numerosi travaggi de studioxi qualificæ fruto de riçerche d'archivio e in sciò teritòio, che tratan de stoïa, de personn-e e de tradiçioin de Bogiasco e de ätri doi comun vixin, saiva a dî Söi e Céive.

Tra i aotoî, gh'è anche o Pòulo Giacomon Piana, nòstro sòccio; tra i prezentatoî lêzemma ascì o nomme do nòstro prescidente Bampi; pe contane tutta questa seu atività son stæti invitæ a un di "Martedì in Compagna"; emmo cosci incontròu o seu prescidente Gardella o 5 d'arvî do 2011. Purtroppo, a nostra biblioteca a no gh'à tutta a produçion editoriale de questa fertile Asociaçion.

